

KERATAN AKHBAR

TARIKH : 20 OGOS 2024
AKHBAR : HARIAN METRO
MUKA SURAT : 5

Bancian berskala besar

Oleh Nurul Fatimah Sulaini
am@hmetro.com.my

Besut

Lebih 92,000 kediaman dan 480 pertubuhan perniagaan yang melaksanakan aktiviti pertanian terbabit dalam pelaksanaan Banci Pertanian 2024 di seluruh negeri Terengganu.

Pesuruhjaya Banci Pertanian 2024 Datuk Seri Dr Mohd Uzir Mahidin berkata, Banci Pertanian 2024 sedang dilaksanakan oleh Jabatan Perangkaan Malaysia (DOSM) bermula pada 7 Julai lalu kini memasuki hari ke-43.

Katanya, bancian berskala besar ini meliputi bancian ke atas isi rumah dan pertubuhan perniagaan yang terbabit dalam aktiviti pertanian iaitu tanaman makanan dan komoditi, ternakan, perikanan dan akuakultur serta pembalakan dan perhutanan.

Dr Mohd Uzir yang juga Ketua Perangkawan Malaysia berkata, sebanyak 55,815 tempat kediaman (60.4 peratus) dan 363 pertubuhan perniagaan (75.6 peratus) serta tempat kediaman pertanian pula adalah 19.8 peratus yang terbabit dengan aktiviti pertanian selesai dilawati sehingga 17 Ogos 2024.

"Hasil bancian menunjukkan subsektor tanaman adalah penyumbang tertinggi kepada sektor pertanian iaitu 69.0 peratus, diikuti oleh subsektor ternakan (24.2%), subsektor perikanan (6.5%) dan subsektor perhutanan dan pembalakan (0.2%).

"Daerah Hulu Terengganu merekodkan peratus tempat kediaman selesai dilawati tertinggi iaitu 75.1 peratus, diikuti oleh Kemaman (72.0%), Dungun (69.5%), Kuala Terengganu (69.2%), Besut (60.9%), Setiu (53.3%), Kuala Nerus (46.1%) dan Marang (45.1%), katanya.

Beliau berkata demikian ketika melawat tanaman melon manis di Ayana Agrotech Tanaman Kekal Pengetahuan Makanan (TKPM) Kampung Tok Dor, Besut.

Turut hadir, Timbalan Pesuruhjaya Banci Pertanian Marlini Sabul Hamid, Pengarah Jabatan Pertanian Negeri Terengganu Datuk Zulkepli Amin Mat Jusoh serta Pengarah Jabatan Perkhidmatan Veterinar (JPV) Negeri Dr Anun Man.

Katanya, daerah Besut mencatatkan peratus tempat kediaman pertanian tertinggi iaitu 30.9 peratus, diikuti oleh Hulu Tereng-



DR Mohd Uzir (tengah) melawat tanaman Melon Manis Terengganu di Ayana Agrotech TKPM Kampung Tok Dor, Besut. - Gambar NSTP/NURUL FATIMAH SULAINI

Bancian berskala besar

Lebih 92,000 kediaman dan 480 pertubuhan perniagaan laksana aktiviti pertanian Terengganu terbabit dalam pelaksanaan Banci Pertanian 2024

ganu (30.3%), Setiu (27.7%), Dungun (20.2%), Kemaman (17.8%), Kuala Terengganu (14.3%), Marang (13.3%) dan Kuala Nerus (8.9%).

"Bagi Negeri Terengganu, sektor Pertanian penyumbang ketiga terbesar kepada Kluaran Dalam Negara Kasar (KDNK) Negeri iaitu sebanyak 7.5 peratus (RM2.9 billion) pada tahun 2023.

"Subsektor tanaman adalah penyumbang terbesar dalam sektor pertanian di Terengganu iaitu 58.6 peratus diikuti oleh subsektor perikanan (15.6%), subsektor ternakan (14.5%) dan subsektor perhutanan dan pembalakan (11.4%).

Katanya, menyedari kepentingan sektor ini, Banci Pertanian 2024 adalah satu usaha penting dalam me-

nilai prestasi industri pertanian di negeri Terengganu.

Sementara itu Lawatan kerja Pesuruhjaya Banci Pertanian 2024 di lapangan bagi Negeri Terengganu bermula 19 Ogos 2024.

Pelbagai subsektor di setiap daerah dilawati iaitu subsektor akuakultur di Kampung Chabang, Kerteh, Kemaman, penternakan lembu sado dan kambing tenusu di Kampung Kuala Besut, tanaman melon manis di Kampung Tok Dor, Besut.

Melon Manis Terengganu atau MMT adalah me-

rupakan varieti pertama bagi keluarga rock melon yang diumumkan sebagai Buah Rasmi Negeri Terengganu.

Berdasarkan data Jabatan Pertanian Negeri Terengganu, hasil pengeluaran MMT di Terengganu merekodkan RM3.14 juta dengan 35 pengusaha pada tahun 2023.

Bilangan pengusaha MMT tertinggi adalah penduduk daerah Besut iaitu 11 orang.

Lawatan turut diadakan di tanaman Manga King di Pusat Pertanian Rhu Tapai, Setiu, ternakan burung walit di Walit Timur Enter-

prise, Kuala Nerus, tanaman pokok di Pulau Herba, Tasik Kenyir, Hulu Terengganu, projek padang ragut di Kampung Binjai Kertas, Hulu Terengganu, tanaman kelapa di Kampung Batu Putih, Marang dan tanaman terung di Kampung Batu 7, Dungun.

DOSM berharap pelaksanaan Banci Pertanian 2024 di Terengganu terus mendapat komitmen dan kerjasama daripada penduduk dan pengusaha perniagaan yang terlibat dengan aktiviti pertanian sepanjang tempoh ia dijalankan dari 7 Julai hingga 10 Oktober 2024.

Orang awam tidak perlu bimbang untuk berkongsi maklumat kerana kerahsiaan tersebut dijamin sebagaimana yang termaktub di bawah Akta Perangkaan

1965 (Disemak 1989). Pengumpulan data yang sahih ini penting untuk menghasilkan data pertanian yang komprehensif dan menjadi penanda aras baharu bagi mewujudkan pangkalan data pertanian negara.

DOSM melancarkan OpenDOSM NextGen sebagai medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.

DOSM akan menjalankan Banci Pertanian pada tahun 2024. Sila layari <https://www.myagricensus.gov.my> untuk maklumat lanjut. Tema adalah Banci Pertanian, Kunci Kejayaan Pertanian.

“Subsektor tanaman adalah penyumbang terbesar dalam sektor pertanian di Terengganu”
Dr Mohd Uzir